

二非室詩餘別集
青芙館詞鈔



青
芙
館
詞
鈔

陳壽祺 著

中
華
書
局

叢書集成初編

二韭室詩餘別集（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

青芙館詞鈔

此據滂喜齋叢書
本排印初編各叢
書僅有此本

青芙館詞鈔

連理枝 秋曉

山陰陳壽祺珊士

煙雨絲絲絳。鷓鴣聲聲喚。殘蕖團秋。孤鐙絮夢。獨眠人慣。算閒庭紅
上女兒花。奈昨宵風嬾。

金縷衣

往事休回首。歎頻年、槐花踏遍。青衫依舊。恨地歡場同一夢。賺得離
愁盈斗。飄泊意。天公知否。薪米妻孥增太息。甚悲涼。况味拚消受。淚
似水。遍衣袖。蕭蕭落葉西風驟。况又是、斷煙衰柳。傷心時候。秋與
詩人同一稿。都比前番損瘦。算好事。今真辜負。冷落扁舟租一葉。且
斜陽。料理蘆花酒。謀一醉。他何有。

洞仙歌

冥冥悄悄。把殘更挨坐。一點疏燈夢挑破。算情絲縷縷。斷了還連。儘
做弄。鐙下離人一箇。小窗愁憶處。無限淒涼。心上安排甚時妥。吹
簫玉梅邊。青子星星。問此意。梅還知麼。生恨著。薄倖負春光。能者樣
團圓。酸心都可。

秦樓月

題美人背立圖

春風倦。美人背立秋千院。秋千院。綵繩扶下。玉釵猶顫。丹青想像
芙蓉面。驚鴻小影休呼轉。休呼轉。紅顏千古。幾人青眼。

洞仙歌

梧桐雨歇。把新秋做就。紅得斜陽影都瘦。喜桃笙涼心。蕉扇寒知。恰
贏箇。試茗焚香時候。水晶簾捲處。初月描來。出色鵝黃蘸詩袖。簾
外碧闌干。闌角疏紅。剛昨夜。曉風吹透。更何須。高處羨瓊樓。便一枕

花陰儘堪消受。

浪淘沙

新綠帶三分。燕子斜暝。碧衫消瘦到吟魂。幾點楊花飛不定。撲碎春痕。香倩玉奴熏。商略清尊。闌干絲雨濕黃昏。自慊驚簫吹小令。好箇閒門。

人月圓 乙卯立春

脂毫點出宜春字。小閣鎖蕭閒。芹芽粉餅。勞他纖手。商略杯盤。三分酒意。二分詩思。一寸春寒。蜜梅花底。夕陽似水。人倚闌干。三

百字令

大寒後一日。同孫子九坡。周雲鵬。光祖。素人。瀨。孫雲叔。星。馨。季。凱。星。詒。王。平。子。星。誠。寄。雲。上。人。宿。平。水。傳。鑑。寺。

分韻得此字。

天風颯颯。把酒人吹入。白雲深裏。列岫不局。寒碧破。衣袂冷攏松氣。踏葉知門。沿鐘得寺。小坐蒲團地。諸天梵寂。茶香清沁詩肺。試問

腰三帶山者。般滋味。有幾人知此。簷外梅花花上月。花底疏窗六秋。
吟許。依聽。夢。邀鶴共。也算閒公事。他年重到。遊踪笑指流水。

剔銀燈

秋柳

羌筵何人吹起。幾筆白門秋意。濯濯離魂。絲絲清怨。攔入畫眉峰底。
斜陽影裏。消瘦也。西風知未。說甚風流舊事。張緒而今老矣。清夢
如煙。閒愁似水。情緒鎖鎖懨懨地。霜寒月霽。回首也。相思千里。

青玉案

二分涼月花陰漏。記小院、閒時候。廿四晶屏花影瘦。幽香一縷。染來
羅袖。秋色黃於酒。月痕依樣移花鬢。空照得、青衫舊。想見紅樓妝
卸後。別無人處。蘭燈如豆。夢去能尋否。

眼兒嬌

綠窗風雨鎖無休。香意鎖雲篝。無情芳草。有情燕子。一樣春愁。刺

桐花落寒無力。春晚怕登樓。知他那裏。捲幰人獨。午夢扶頭。

念奴嬌 送同年生陳午亭之春明

整頓春衫。又遊子驪歌。一聲唱徹。門外落紅如雨亂。春晚那堪離別。細雨吹愁。輕寒載夢。客路怎將息。朝來何處。小詞聊壯行色。遙想草長江南。羣鶯啼遍。好箇春三月。山色尊前江枕底。準備龍川詩筆。寄語盧溝。無邊楊柳。千里休相憶。明年春好。與君同醉寒食。

一斛珠

春寬影窄。芳心不慣花邊別。綠窗夢醒痕難覓。敢被東風。吹到人人側。玉鼻屐遍羅衾褶。春寒不禁相思熱。銷魂又近清明節。撲簌簾旌。幾點梨花雪。

高陽臺

軟帳擡煙。疏燈暈雨。晚來儘又蕭蕭。獨客天涯。可憐閒煞今宵。明知

秋思千懷甚。奈秋來、著意無聊。又何時、銀鴨香溫。心字同燒。鈴鐸瘦影和人醒。看冷清清地。說也魂銷。底事西風。無端吹散迴潮。年來紅豆拋多少。剩黃昏、者樣迢迢。更淒涼。玉簫誰家。吹出春嬌。

百字令

丙辰春分日。曉發魚溝。同叔雲周子作。

問儂底事。把別離舊稿。從新做起。箇樣春懷誰寫得。算有柳枝能替。瘦馬馱愁。短鞭兜恨。淚溼青衫子。宵來何處。一鐙搖夢千里。還記晴雪東風。草堂人日。別酒梅花底。細雨郵程三十日。容易春分過矣。慈母裁衣。閨人卜鏡。花裏重門閉。飛鴻北去。江南一字難寄。

清平樂

丙辰九月初二夜。爲吳子儻同年題。花畫冊。遲明。余卽南返矣。

疏籬幾稜。點綴西風影。花與離人同瘦損。閒煞故園秋興。吳綾畫取寒香。那堪相對他鄉。縱便明朝歸去。已教辜負重陽。

高陽臺

寄春明叔雲前輩。並示翁已蘭。黃占香。揚芷瑞三君。時丙辰重九。客容城縣驛。

十里荒煙。幾行衰柳。斜陽瘦煞今朝。歸去來兮。西風斷送征輶。離心早已先秋碎。又能禁、幾度魂銷。更淒涼、重陽到也。著意蕭蕭。遙知著屐登高處。定黃花插帽。紅袖吹簫。有客天涯。可曾憶到深宵。呼鐙重草相思字。算相思、寄也無聊。牕窗前、秋雨聲聲。滴碎芭蕉。

南歌子 樂城題壁

醉客金坡酒。泥人玉局詩。一年最好菊花時。難道忍心撇了不相思。冷月邨雞唱。悲風棧馬嘶。孤衾剛待懺情癡。可奈夢回鐙影雨絲絲。

前拍 內邱題壁

夜月紅螺酒。春風紫鳳簫。箇儂何處漏迢迢。消受一杯冷茗過今宵。布被和愁擁。糠燈帶影挑。未曾睡好已魂銷。知否淒涼孤店又明朝。

洞仙歌

孟冬過了。算歸期須定。若再羈遲甚時準。況三間老屋。開了梅花。早有個。綠酒紅鑪相等。鴛鴦三十六。細雨郵程。隨意排來睡都穩。底事苦淹留。鏡裏芙蓉。難道是。飄零小影。快打疊。扁舟白雲邊。莫輪與江南。鯉魚風信。

惜餘春慢

睦州題壁

沙影搖星。雲痕凍月。馬首曉風吹亂。草枯鷹健。木禿鴉寒。滿眼秋光都變。說甚封侯少年。歲暮飄零。夢沈書遠。算三千歸路。大河南去。商量一半。故園裏。蠟粉墻西。蜜梅花底。知否暗香吹滿。花邊明月。月底闌干。閒煞也無人管。料得蘭閨夜寒。細數歸期。金釵劃遍。道天涯一樣銷魂。拚底爲伊腸斷。

月底修簫譜

謝家集對月感賦

拆聲沈。人語寂。土坑蘆牀。獨客自憐惜。一年能幾團圓。可憐今夜。拚
草草者般事得。甚時節。還記月底吹簫。羅衣豔秋雪。冷慣姮娥。解
作十分色。分明月共人嬌。人今千里。空帶得花邊明月。

洞仙歌

夜發虞城道中見磷火甚繁。拈此解弔之。時陰匪
滋事。兵燹類仍。自虞城至暢山。赤地幾三百里矣。

明明滅滅。問游魂誰管。蔓草寒煙煞零亂。算故人認得。纔近衣邊。墓
又被。一陣迴風吹散。都來明月下。點點星星。壞壁荒原自淒戀。劫
土贖殘灰。難道他生。還消受。飄零幽怨。歎碧血模糊可憐膏。便化做
寒花。也應腸斷。

謝秋娘

腸斷處。舊事費思量。記得消寒逢二九。蜜梅花上雪都黃。人立小迴
廊。

攤破浣溪紗 雙溝題壁

記得西風別酒闌。一聲河滿溼歌衫。花露滿身眠不得。月初三。客路何人憐燹火。亂愁和月度關山。一寸春光千里夢。早梅殘。

相見歡 桃源道中見梅花感賦

春光漏洩梅花。暗香斜。料得有人無睡立簷牙。三分竹。二分屋。是儂家。可惜箇儂今夜尙天涯。

陂塘柳 丁巳春季杭州客夜坐雨與琴子陶二同作

又黃昏。兩三點雨。零星消得魂盡。春愁水樣渾無着。紅煞一痕鐙影。風不定。便不是離人。也爲花愁損。客窗人靜。料絮影搜香。都無是處。今夜怎生聽。殘更亂。攪得相思都冷。夢兒和燕同醒。縱教春例傷心雨。也合憐儂些病。聲又緊。算人自無聊。錯把芭蕉恨。倦歆孤枕。知幾處紅樓。斷腸一例。試喚曉鶯問。

水調歌頭 月夜泛舟西湖。詠東坡水調歌頭。覺玉宇瓊樓。去人不遠。卽倚聲和之。

白得鑑湖月。來薦水仙王。何年赤鳳騎去。煙水自蒼蒼。不管綠蘂瘦死。賸得段橋殘柳。愁到酒般黃。之子渺何許。天影落秋塘。放鶴喚觀魚港。聽鶯莊。湖山別後無恙。此樂定誰償。爲問沙頭鷗鷺。知否今宵詞客。猶有老髯狂。玉簫自吟弄。冷咽水龍腔。

湘月

題丁韻琴司馬偕姬人秦佩芬重九湘湖紀遊册于。

秋江畫舸。問盈盈何處。神仙眷屬。三尺莼漪風力軟。蘸得羅衫都綠。佩摘秋芬。琴調古韻。人影清於菊。墨痕涼沁。茶香飛上詩幅。更好選勝奇峰。一層更上。俯瞰湘流曲。繡屨風香苔徑窄。消受湖山清福。巒翠評眉。波光韻髻。句在秋邊續。歸來庭院。新詩笑倩鶯讀。

減字木蘭花 二首

影兒和我。黯黯相看燈一箇。甚處紅樓。香夢如雲漾玉鉤。更無情緒。無賴東風吹笑語。說也銷魂。孤枕淒涼數雨聲。

夢兒無定。醒了又眠。眠又醒。索性呼燈。拚底今宵睡不成。五更將近。側側曉風詩袖冷。無可如何。且自溫存到被窩。

南鄉子

蒲江阻雨

晴雨忒無憑。賺煞愁人昨夜星。難道西風都錯誤。分明。枕上芭蕉葉葉聲。何處是歸程。香鎖屏山十二層。夢裏蕭蕭聽不得。忪惺。自砌鄉愁到五更。

浣溪紗 二首

雲髻花鬟金粟蟲。銀鐙珠索醉春紅。玉兒酣酒語喁喁。上樹何時見梧子。摘花切莫罷蓮儂。費郎猜到箇情衷。水樣秋宵乳樣天。小屏山外碧闌干。闌干曾倚月中看。繡帶腰寬楊柳瘦。金釵髻溜牡丹寒。相思今夕况當年。

南鄉子

孤舫又斜陽。纔子離家夜便長。知道秋心禁不得。思量。瞞過銀燭一味涼。七十二鴛鴦。記否金甌試晚香。月樣纏綿天樣遠。淒涼。不是秋來例斷腸。

浣溪紗

秋夜聞笛感拈此解

葉葉梧桐葉葉蕉。可堪秋意鎖蕭蕭。不須風雨也魂銷。涼夜正賒孤客思。月明誰理美人簫。一絲秋怨擱花梢。

祝英臺近

浦江客邸書壁

帳擡煙燈弄影。寒燠煞難定。葉葉芭蕉。葉葉做秋信。可憐客子天涯。離魂易斷。偏者樣。雨晴無準。人未寢。瑤箏一十三弦。千山萬山冷。去也無從。住也又爲甚。儘教拍入紅牙。做伊幽怨。好寄與。悲秋人聽。

摸魚兒

樊榭老人有和女士陳坤維賈元詩詩今詩冊歸同歲生方維宗城家戊午七月子維出詩把示人代已更

墨蹟未泯爲拈此解紀之